

(فوائد طرق)

(مابعد)

يولارك اصول فنه تطبيقا انشا و ياخود موجود اولانلرينك اصلاح اولنسندن طولايي بر مملكتجه حصوله كلان تبدلات اهالي مملكت حقنده اك زياده شايان دقت اولان مواددندراسقوجيانك طاغلق اولان نواحى شماليه سنده واد نام مارشالك عسكر سوقى ايچون انشا ايلديكى طريقك اولطرف اهاليسنك كسب تمدن ايللرى حقنده طريق مزبور انشاسندن مقدم انكلزه قرالرينك نيجه سندر واقع اولان سعى و همتلرندن دهها زياده حس تاثيراتى مشهود اولديغى كافه مورخين عندنده متفق عليهدر لکن مؤخرًا مملكت مذكورهده تلفور دنام مهندسك نظارتيله دهها زياده اعتنا ايله انشا اولنان طرق اوقدر آرز وقت ظرفنده اهالى مملكت حالى بر درجه تحويه باعث اولمشدر كه هيچ بر مملكتده امثالى كورلما مشدر مقدما غير محروث اولان يرلر شمدى اراضى مزروعهديه مبدل اولمش و انسان و حيوانات اهليهدن خالى صحارى و اسعهده اولان چفتلكلر و خانهلر و بنى ادمه فرمان بردار اولان حيوانات مختلفه الاجناس وجوده كلش اولوب بو جهتله دخی اهاليسنك متصرف اولدقلى املاك و عقار كرك قيمت و كرك واردات سنويهجه اون قات ترايد ايدرك مدت قليله ظرفنده مملكت مذكوره لااقل يوز سنه مدتده وجوده كله جك ترقى يه مظهر اولمشدر

ايرلاندهده دخی يولارك اصلاحي سييله بونلره مماثل اثار حسنه حصوله كلش و حتى بعض ايلاتلر بالكليله بشقه حاله تحوّل ايتمشدر دولتك بوندن بش اون سنه مقدم جزيره مذكورهده مجرد اهالى يي بولندقلى حال ضرورتدن موقتاً تخلص ايتك نييله انشاسنه مباشرت

ايلديكى

ایلدیکی ابنیه و سائرہ مثللو فوائد عمومیه بی موجب شیلرک اہالی
حقنہ دائمی صورتہ باعث ثروت و استراحت اولہ جغی مأمول
و مجزومدر

بومثللو اصلاحاتک حسن اداب و تہذیب اخلاق جہتلیہ اولان حسن
تأثیراتی دخی فوق الغایہ شایان تعجب اولوب شویله کہ سالف الذکر تلفوردک
تحقیق و بیاندہ کورہ اسقوجیانک طاغلق محلا رندہ انشا و اصلاح اولنان
طرق اہالیدن عملہ صنفک اوتہ دنبرو مألوف و مجبول اولدقلری بعض
عادات و اخلاقلرینک تہذیبہ سبب مستقل اولمشر وینہ بوقیلدن
اولہرق او برلین نام پاپاس خرسنیا نلغہ دعوت ایلدیکی برطائفہ وحشیہ
ہر طرفی جبال و انہار ایلہ مسدود بر وادیدہ متمکن اولہرق اختلاط
اجابندن مہجور بولندقلری جہتہ کسب مدنیت و تہذیب اخلاق الیملری
مقصدیہ وادی مذکورایلہ ہمجوار بولنان بعض مملکتلر بینندہ یول
کشاد ایتدیروب فی الحقیقہ بو تدبیرک چوق سورمکسزین حسن
تأثیری کوزلمش و بو وجہلہ پاپاس مومی الیہ مرام و مقصدینہ نائل
اولمشر اشتہر ملت بینندہ فضائل و اداب ایلہ قوہ عقلیہ و استعدادیہ نک
برابر اولہرق نشأت و ظہوری بر مهندس کامل معرفتیہ انشا
اولمش طرق مستحسنہ خواصندن اولسی فی الحقیقہ جای دقت
و استغرابدر

اصلاح طرقدنناش وجودہ کلان تأثیراتدن الک زیادہ شایان تعجب
اولان اثر فوائد طرقلرک شعاعات شمسیہ مثللو ہر جہتہ بی طرف
اولہرق متساویا منشئ اولمسیدر یوللرک بو خاصہ سی افادات آیددن
لایقیلہ اکلا شیلور شویله کہ ہر بر شہر و یا خود بر بازار اطرافندہ بر
طاق دوائر متحدہ مرکز فرض اولنوب بولنرک احاطہ ایلدیکی سطوحک

هر قنچسندن بر قاچ نوع محصولات مخصوصه نك مع فائده شهره
 نقلی ممکن اولسی و حالوکه دوائر مذکوره نك و یاخود انلردن هر قنچی
 برینك خارجنده واقع بر نقطه دن شهر مفروضه بر نوع محصول
 اجرت نقلیه سی کند و قیمتی تجاوز ایتسی فرض اولسه یلور مثلا
 مرکزنده شهر مفروض واقع اولان دائرة داخلیه نك من کل الجهات
 حدودی انك خارجنده چوریمك و یاخود فناپذیر اولقدن محافظه
 اولنه میان نباتات و یاخود قیمتترینه نسبتله ثقیل الحجم اولان اشیانك
 شهر مزبوره مع فائده نقلیه مساعد اولسه و دائرة مرقومه دن کبیر
 اولوب ایکنجی بولنان دائرة دخی میسوه و دوائر سائر نك دخی هر بری
 بر نوع محصول نقلیه مساعد اولسه یوللرک حسن تسویه و تنظیمه
 اجرت نقلیه بعض مرتبه ثقیل اولندیغی صورته هر بر دائرة نصف
 قطری واقع اولان اصلاح نسبتیه تراید ایده جکندن هر برینك
 استیعاب ایلدیکی سطح دخی اشبو ازدیاد نسبتنك مربعی قدر توسیع
 اولنش اولور فرضا یولر برابر کیرک مقدمکی جرایلدیکی ثقلنك ایکی
 مثلی جرو یاخود ایکی قات سرعتله حرکت ایده بیله جکی مرتبه
 تسویه اولنش اولسه دوائر محدوده نك هر بری مرکزده مفروض
 شهر دن متباعد اولکی نصف قطرینك ضعفی قدر توسیع اولنش
 دیمك اولوب بو جهته دخی استیعاب ایتدیکی مسافه درت مثلثه مساوی
 اولور و اگر ذکر اولنان اصلاح اولکی حالنك اوچ مثلی اولور ایه
 دوائر مزبوره دن هر برینك احاطه ایلدیکی سطحك ازدیادی دخی
 طقوز قات اولور و قس علی هذا

بعدیت مسافه جهته مقدم نقلی ممکن و یاخود فائده لو اولیان هر درلو
 محصولات ارضیه و صناعیه اولوجهله یوللرک اصلاح و تنظیمی

سایه سنده بردن بره بر بازارده ظهور ایده جکندن کویا مجددأ و دفعه خلق و ایجاد اولمش حکمنده بوانور دیمک اولسور و یولجیلرک عددی دخی ینته بو قاعده تحمده اولوب اکثریا یکی حفر اولنان درین بر قبونک جوارنده واقع اولقدر عمیق اولیان قبولرک صولرینی کندوسنه جذب ایلدیکی کی بر منتظم یولده مشهود اولان تسهیلات دخی اهایلی اکا نسبتله دون بولنان طرقی ترک ایتدیره رک کندو طرفنه جلب ایدر و حتی طریق جدیدک یمین و یساردن کندوسنه جلب ایده ییله جکی یولجیلرک مواقع حرکترلرینک طریق مزبوره اولان ابعادی قانونی علوم ریاضیه ایله حله قابل بر مسئله و یا بر دعوای نظری اولوب اشبو دعوانک نتیجه سنی تجارب واقعہ تأیید و تصدیق ایتمش و متضمن اولدیغی فوائد دخی هر بر قدیم یولک اصلاحنده و هر بر طریق جدیدک کشاندنه کورلشدر چونکه کرک اصلاح و یاخودیکی کشاد اولمش بر طریق من کل الجهات محال بعیده دن یولجی جلب ایتدکن بشقه یولجیلر عددینک خیلی ترایدینته دخی باعث اولدیغی امور مجربه دندر اشبو مدعایک اثباتی ضمننده شرکت خیریه واپورلری مثال اوله ییلور اگرچه واپور سفاینی قاره یوللرینه تشبیه اولنه مز کی کورینور ایسه ده ایکبسی دخی واسطه نقل اولدقلری حیثیتله حقیقت حالده بر جنسدن عد اولنورلر شرکت مز کوره تشکندن مقدم بر انکلیز قپودانی جسر جدیددن بوغاز ایچنه واپور ایشلدلنسدن خیلی تمتع اولنه جغنی مأمول ایدرک ابتدا بر واپور ایله تجربه سنه ابتدار ایتمش و اول ائاده هر نقدر یولجیلرک عددی جزئی ایدیسه ده واپور مناسبیله کتدجکه تراید ایدرک یالکز بر واپورک کفایت ایتدیکی اکلاشلمش اولغله ایکی واپور استعمال ایدوب بر مدندنصکره یولجیلرک عددی برقات دها

تزايد ايتش اولديغندن مزبور ايكي واپور حصه دارل ينك كلى تمتع ايلدكلى مشاهده اولنوب بوكيفيت شركت خيره ناميله بر قومپانيانك تشكلى دعوت ايتشدر اشبو واپورلر تسهيل حركتى موجب اولدقلى جهته شمدى شركت مذكوره واپورلر ينك عددى يكرمى يى متجاوز اولديغى حالده يولچيلرك تكثرى جهته درجه كفايه ده دكلدر و بوندن بشقه ذكر اولنان واپورلر استانبول جوارنده نيجه محلارده خيلى كسانك تمكلىرى و بوسيله اول محلارك معمورىنى و شامل اولدقلى اراضى املاك قدر و قيمتك ترقيسى دى مستوجب اولديغى جله نك معلوميدر كلهلم موضوع بجز اولان يوللرك اصلاحندن حاصل و پيدا اولان فوائد فرضا يوللرك اصلاحي سييله بر مملكتك بر طرفندن او بر طرفنه اولان حركتك سرعت متوسطه سى تضعيف اولنسه اول مملكتك مجموع اهالىسى مقر حكومتلرينه و بر برلرينه بقات تقرب ايتش اولورلر و اكر سرعت حركت ينه تضعيف اولنسه اهالىنك بر برلرينه و مقر حكومتلى طرفنه تقربلىرى بقات ده اوله رق اشته بو وجهله سرعت حركت تزايد ايتدكجه اهالىنك متمكن اولدقلى محال مختلفه يئازنده كائن ابعاد و مسافات دى اول نسبتده تناقص ايدر و بو وجهله ابعاد بالتدريج تناقص ايتدكجه مجموع سطح مملكت كويا يالكر بر شهر جسيم حكمنه كيرنجيه دكين كوچيلوب اولخالده مملكت مزبوره واقعه شهر و قصبه لى اهالىسنك جله سى بر شهر لو كى اوله رق صنايع و معارف متنوعه مملكتدن حاصل اولان فوائد مساوات اوزره حصه مند اوله جقلى باهر در

اشبو تقديرجه سطح مملكت هر نقدر كوچيله رك بر شهر عظيم كى اولور ايسه ده ينه هر كسك ترلاسى موقع و وسعت اصليه سنده بولنديغى

حاله

حالده محصولاتك كسب اعتبار ايدم چكى جهته بلكه وسعتى افزايد
ايتش دينله بيلور

يوللرك حسن انتظامى نه درجه كمالده اولور ايسه بو ذكر اولنان فوائد
و نتايج دخی اول قدر عهد قریبه حصوله ككه چكندن بو بایده اسرع
واحسن و سائط تیموریولی اولدیغی امور واضحه دندر
فقط هر نقدر تیمور یوللرك يالکز سرعت و یولچیلرینك زمان و مسافه
اوزینه غلبه و مظفریتلری جهتلیله فوائد عظیمه سی درکار ايسه ده
طرق عادیه دائماً و هر حالده عموم حقنه قیاس قبول ایتز درجه دره
زیاده فائده لیدر چونكه البوم انشا اولنان تیمور یوللر ايله طرق عادیه
بینده اولان فرق علی الخصوص تیمور یول عربی نکر کلرینك
محیطلری اطرافده واقع قطعه مخرجده اولوب طریق مزبورك قوه
مخصوصه سی دخی باشلوجه بو ذکر اولنان فرقدن ناشی اولدیغندن
تیمور یولنه مخصوص شو حال سرعت و قوتنه نسبتله اصحاب
زراعتجه حصولی لازم کلان فوائدینی تقلیل ایدر چونكه تیمور یول
خطلری اوزرنده حرکت ایتك ایچون انشا اولنان عربی نکر اول یولدن
چفتلکات و محال سائریه منشعب اولان طرق اوزرنده و چفتلکاتك
امور سائر عادیه سی ایچون دخی استعماله غیر صالح اولدیغی درکار و حال
بوکه لایقیله انشا اولمش طرق عادیه اوزرنده زراعت اراضی ایچون
فصول اربعه نك برنده استعمال اولنان عربی و بارکیر و عمله دیگر لرنده
دخی محصولاتك اولجوارده بر مناسب اولان محله نقل و ایصال
اولملرنده دخی استعمال اولنه بیله چكى امر اشکار در اشته شو سببه مبنی
حتی هر بر کسند قیوسند بر تیمور یول اوغرامش اولسد بیله اصول
و نظامنده انشا اولمش عادی بر طریقندن دهها زیاده جمله حقنه فائده

حاصل اولور برده تیمور یوللرک انشاسی ایچون لازم کلان مصارف کلبه
انلرک دائمی خطوط مهمه مقنضیه اوزرنده بولملرینی ایجاب ایتدیروب بو
مثالو خطوط اوزرنده دخی حاصل اوله جق فوائد عظیمه سی نقدر مبالغه
اولنسه بجا ایسه ده مواقع سائر ایچون اک از محذور ایله اک حقوق
منافع عامه طرق عادیه مملکتک اصلاحبله و یاخسود ایجاب ایدن
محلرده مجدداً انشاسیله استحصال اولنور

بر مملکتده بین الاهالی نشر و تعمیمی هم اموردن اولان حسن
اخلاق و اداب حقده دخی یوللرک مدخل کلبسی اولوب چونکه
اشبو مقصد مهم بالکن مکاتب و مدارسده تعلیم و تدریس و کتب
و رسائل نافع طبع و نشریله حصولپذیر اوله مبوب فضائل و اداب
و علم و عرفان دخی محصولات مادیه کبی بر محلدن دیگر محله تنقل
ایلدیکندن سرعت و سهولت ایله منتشر اولسق ایچون بوتک دخی
منظم یوللره احتیاجی اشکار در حقیقه ممالک مختلفه اهلایسی یکدیگریله
مخبره و اختلاط ایتمه رک هر بری حال تفرد و ییکانکیده قالش
اولسدر ایدی نوع بشرک درجه مدنیت و توسع ذهنیسی البوم مشهوردن
اولان رادهیه کله مز ایدی

اشته اولوجهله یوللر بر مملکتده کرک ثروت و سامان و کرک ادب
و عرفانک انتشارینه اس اساس اولدیغندن هر شیدن اول حسن
حصوله سعی و اقدام اولنه جق ماده یوللر تنظیم و کشادی دیمک اولور
(محمد سعید)

خواجه درمکتاب بحریه شاهانه